



Inatsisartunut ilaasortaq Jens B. Frederiksen, Demokraatit  
Inatsisartut  
-/MAANI

## Saattussat pillugit § 37 naapertorlugu apeqqutigineqartumut akissut nr. 2013-206-imut akissuteqaat

24-10-2013  
Suliap nr. 2013-091055  
Dok. nr. 1369041

Inatsisartut suleriaasianni § 37 imm. 1 naapertorlugu saattussanut biologit siunnersuinerat pisassiissutillu qaffanneqarnissaat pillugit apeqquteqarsimavutit. Apeqqutit uannut akisassanngorlugit innersuutigineqarsimapput.

Postboks 269  
3900 Nuuk  
Oqa. (+299) 34 50 00  
Allak (+299) 34 63 55  
E-mail: apnn@nanoq.gl  
www.naalakkersuisut.gl

### Apeqqut:

1. Sisimiuni sinerissamut qanittumi assagiarsuttassiissutit qaffanneqannginnissaannut ilisimatuut innersuussuteqarnerannut tusaanngitsuusaarnertik Naalakkersuisut sunik iluaqutissarsivigissallugu naatsorsuutigaat?
2. Naalakkersuisut neriorsuutigisinnaanerlugu Sisimiuni sinerissamut qanittumi assagiarsuttassiissutinik qaffaaneq assagiaqassutsimut akornutaanaviannngitsaq?
3. Nuummi Paamiunilu assagiarsuttassiissutit qaffannissaannut Pinngortitaleriffiup innersuussutaa qanormita ippa?

### Akissutit:

*1-mut:* Nalunaarutigissavara suliffissaqartitsinissaq kisiat pinerullugu Naalakkersuisut Sisimiut eqqaanni sinerissamut qanittumi saattussanut pisassiissutit qaffanneqarnissaat toqqarsimammasuk. Pisassiissutit 150 tonsinik qaffanneqarnerat immikkut ittuuvoq, tamannalu akuerineqarsimavoq maannakkorpiaq najukkami aalisakkanik allanik tunisinissaq periarfissaqanngimmat. Maannakkut raajat kisimik Sisimiunut tunineqarsinnaapput.

*2-mut:* Saattuarniarneq eqqarsaatigalugu biologit siunnersuinerat nalorninartoqarpoq, tamatumalu kinguneraa pisassiissutinik qaffaaneq eqqarsaatigalugu navianarsoqarsinnaaneranut naliliineq aamma qularnarsoqarmat. Taamaakkaluartoq paasissutissat pissarsiarineqarsinnaasut aallaavigalugit Naalakkersuisunit nalilernerarpoq Sisimiut eqqaanni saattuaqassutsip pisassiissutinik qaffaaneq akornutiginaviannngikkaa, kisiannili tamanna qularnaatsumik oqaatigineqarsinnaanani.

*3-mut:* Pinngortitaleriffimmit nalunaarutineqarpoq Nuup Paamiullu eqqaanni aalisarnermit paasissutissat kisimik pigineqartut. Biologit tamaani misissuisimangillat, taamaammallu ilisimasaqartoqarani. Taamaakkaluartoq pisinineqartartut tunngavigalugit siunnersuinerup allanngortinnissaanut pissutissaqanngilaq.

Inussiarnersumik inuulluaqqusilluga.

Karl Lyberth